



Aningaasaqarnermut Naalakkersuisoq

Ulloq: 13. november 2018
J.nr.: 01.31.06/18-00819

Aningaasaqarnermut Akileraartarnermullu Ataatsimiititaliap pingasunnngornermi ulloq 12. december 2018 aalajangiineranik Naalakkersuisunut ilisimatitsineq.

Pineqarlutik tikeraat ornittagaannik ingerlatsinissamut nunami namminermi sullissiviliorneq, oqaasertaliussamik ilanngussineq, kiisalu aningaasaliisarneq pillugu uuliasioqatigiillu aningaasaliinerup ilaanik atsiuineq, Nuummi tikeraat ornittagaannut illumik nassaarniarneq, ilanngullugu RAL-imi immikkut ittumik ataatsimeersuartitsineq, kiisalu Kommuneqarfik Sermersoorlu suleqatigiinnissamik isumaqatigiissutip atsiornera. - Suliaq nr. 01.31.06/18 – 00819.

”Naalakkersuisut inassutigaa,

- 2018-imut tapiliutitut aningaasaliinerumut inatsisissatut siunnersuummi ilanngussamut naleqqiullugu konto pingarneq 85.50.20 Takornariartitsinermi sanaartorneq (Sanaartornermut aningaasaliisutit) mut oqaasertaliusseq ilanngunneqassasoq, aamma
- 2018-imut tapiliutitut aningaasaliinerumut inatsisissatut siunnersuummi ilanngussamut naleqqiullugu konto pingarneq 24.11.14 Naqitsinerumut akitsuut mut oqaasertaliusseq ilanngunneqassasoq”.

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Ingerlatseqatigiiffiup Nuummi umiarsualivimmi qullersaqarfigisimasaata piginnittunut immikkut ittumik iluanaarutitut tunniunnissaa RAL-ip siulersuisuisa 28. november 2018-imi immikkut ittumik ataatsimeersuarnerminni aalajangiiffigissagaat atortussani nassiunneqartuni allassimasoq ataatsimiititaliap maluginiarpaa. Taamaalillunilu ataatsimiititaliamit naatsorsuutigineqarpoq RAL-ip siulersuisui taaneqartutut maanna aalajangeereersut. Aningaasaliissuteqarnissamik qinnuteqaatip nutarterneratigut imaluunniit immikkut allagaqarnikkut tamanna pillugu paasissutissanik Naalakkersuisut ataatsimiititaliamut nassiussisimanissaat ataatsimiititaliamit kissaatiginartinneqarpoq, taamaaliornikkut tamanna ataatsimiititaliap suliarinninneranut ilanngunneqarsinnaaqullugu. Aningaasaliissuteqarnissamik qinnuteqaatit atortussanik nutartikkanik tunngaveqartinneqartarnissaat Naalakkersuisunit nalinginnaasumik anguniarneqartarnissaa ataatsimiititaliamit kaammattuutigineqarpoq.

Kiisalu pisortanit ingerlanneqartussanik pilersitsinerumut aningaasarpassuarnik atuisarnermut taarsiullugu tunisassianik sullississutinillu takornariaqarnermut tunngasunik inerisaanissamut neqeroorteqarnissamullu namminersorlutik inuussutissarsiuteqartut periarfissaannik nukittorsaanissaq Naalakkersuisunit annertunerusumik sulissutigineqartariaqartoq ataatsimiititaliami ikinnerussuteqartup Partii Naleqqap ilaasortaataata oqaatigiumavaa.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarlutik Naalakkersuisut inassuteqaataat Aningaasaqarnermut Akileraartarnermullu Ataatsimiititaliami amerlanerussuteqartut Siumup, Inuit Ataqtigiit Demokraatillu ilaasortaataasa **akuersissutigaaat**.

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliami ikinnerussuteqartup Partii Naleqqap ilaasortaataata **itigartippai**.

Inussiarnersumik inuulluaqqusillunga



Karl Kristian Kruse

Aningaasaqarnermut Akileraartarnermullu Ataatsimiititaliap siulittaasua